



Broj:  
Sarajevo, 22. 2. 2021.

PREDSTAVNIČKI DOM  
PARLAMENTARNE SKUPŠTINE  
BOSNE I HERCEGOVINE  
n/r predsjedavajuće

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 22.02.2021

Organizaciona jedinica	Klasifikaciona oznaka	Redni broj	Broj priloga
01-50-F	490	21	1/15h

PREDMET: Prijedlog inicijative za dostavljanje Izvještaja o radu Udarne grupe za borbu protiv trgovine ljudima i organizovane ilegalne imigracije

Na osnovu člana 8. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15, 91/15 i 78/19), podnosimo

### POSLANIČKU INICIJATIVU

Kojom se traži da Udarne grupa za borbu protiv trgovine ljudima i organizovane ilegalne imigracije, putem Ministarstva sigurnosti Bosne i Hercegovine i Vijeća ministara Bosne i Hercegovine, dostavi Parlamentarnoj skupštini Bosne i Hercegovine izvještaj o radu za period 2018.-2020. godine.

### Obrazloženje

Vijeće ministara Bosne i Hercegovine je, na sjednici održanoj 30. oktobra 2003. godine, donijelo Odluku o formiranju Udarne grupe za borbu protiv trgovine ljudima i organizovane ilegalne imigracije ("Službeni glasnik BiH", broj: 3/04), (u daljnjem tekstu: Odluka).

U tački V Odluke određeno je da je Udarne grupa za borbu protiv trgovine ljudima i organizovane ilegalne imigracije (u daljnjem tekstu: Udarne grupa) dužna o svom radu i stanju u borbi protiv trgovine ljudima u Bosni i Hercegovini najmanje jednom godišnje putem Ministarstva sigurnosti Bosne i Hercegovine izvjestiti Vijeće ministara Bosne i Hercegovine, a po zahtjevu dostaviti i posebne informacije o pojedinim slučajevima iz nadležnosti Udarne grupe.

Zapadnobalkanska ruta kojom se kreću nezakoniti migranti od početka 2018. godine prelazi i preko teritorija naše zemlje koja je postala tranzitni centar dobro organizovanog međunarodnog kriminala koji se bavi krijumčarenjem ljudi. Navedeno je konstatirano na strani 6. Strategije u oblasti migracija i azila za period 2016.-2020..

Kako je Udarne grupa nadležna za borbu protiv trgovine ljudima i vezane ilegalne imigracije u Bosni i Hercegovini tražimo da ona, putem Ministarstva sigurnosti Bosne i Hercegovine i


Vijeća ministara Bosne i Hercegovine, dostavi izvještaj o radu za trogodišnji period u kojem je usljedio masovni priliv nezakonitih migranata od 2018. do 2020. godine.

Također, s obzirom da sredinom tekuće godine predstoji nova evaluacija stanja u oblasti borbe protiv trgovine ljudima u Bosni i Hercegovini i da kao država bilježimo pad na nivo dva Nadzorne liste TIP (The Trafficking in Persons Report) potrebno je da Udarna grupa izvijesti Parlamentarnu skupštinu Bosne i Hercegovine o rezultatima rada za traženi trogodišnji period.


S poštovanjem,

POSLANICI PREDSTAVNIČKOG DOMA:


1. Aida Baručija




2. Branislav Borenović




3. Dženan Donlagić




4. Edita Đapo




5. Jasmin Emrić




6. Mirjana Marinković-Lepić



7. Saša Magazinović



8. Šemsudin Mehmedović



Dostavljeno:

1. Naslovu,
2. a/a.